

کشتواڑ گا چھاترو علاقہ مانہہ اک کم عمر بچی غی موت غی تحقیقات مانہہ اک ہور گرفتاری ہوئی ہے جس نال ہُن توڑی گرفتار کیا گیا ملزماں غی تعداد 6 ہوگئی ہے۔ پولیس نے اس معاملہ مانہہ ضلع اسپتال کشتواڑ مانہہ تعینات نرس سونیکا پریہار نانہہ گرفتار کیو ہے۔ اس معاملہ غی تحقیقات ایس ایس پی کشتواڑ غی طرفوں تشکیل دتی گئی خصوصی تحقیقاتی ٹیم کررئی ہے۔ پولیس نے کہیو ہے

تحقیقات مانہہ جنسی استحصال حمل تے اس نانہہ ختم کرن غی کوشش بارے الزامات باندھے آیا ہیں۔ اس تیں علاوہ اس غا طبی علاج نال جڑیا افراد سمیت کئی افراد گا ملوث ہون بارے انکشاف ہوو ہے۔ ایس آئی ٹی نے کہیو جے تحقیقات جاری ہے تے شواہد غے مطابق مزید کاروائی کی جے غی۔

JITENDRA SINGH VANDE BHARAT

سائنس و ٹیکنالوجی تے ارتھ سائنسز گامرکزی وزیر مملکت ڈاکٹر جتندر سنگھ نے جمعہ آلے تہاڑے کہیو جے جموں تے سرینگر غے بشکار تیجی وندے بھارت ریل تاولاں ہی شروع کی جے غی تے انہاں نے اس نانہہ جموں کشمیر گا لوکاں واسطے اک بڑی پیش رفت قرار دتو۔ آکاشوانی جموں گا نمائندہ نے خبر دتی ہے جے اک ویڈیو پیغام مانہہ ڈاکٹر جتندر سنگھ نے کہیو جے ریلوے وزارت نے لوکاں غی طرفوں چایا گیا مطالبہ تیں بعد ادھمپور مانہہ سٹاپ نانہہ منظوری دے دتی ہے۔ انہاں نے کہی و جے ادھمپور مانہہ ریل رکن غی منظوری مچ ضروری تھی کیونجے پہلاں وہ خیال کیو جے تھو جے ات رکنو ممکن نی وے غوجتندر سنگھ نے اس قدم واسطے وزیر اعظم نریندر مودی . ریلوے وزارت تے ریلوے غا وزیر گو وی شکریو ادا کیو۔ ایک ویڈیو پیغام مانہہ ڈاکٹر جتندر سنگھ نے اس طرح کہیو۔

CHHATRI MUBARAK RETURN

پونچھ مانہہ شری بڈھا امرناتھ جی غی سالانہ یاترا اج اختتام پزیر ہوئی۔ اس موقع ور بھگوان شیو غی پوتر چھڑی مبارک نانہہ شری دشنامی اکھاڑا واپس لیاو گیوچھڑی مبارک بڈھا امرناتھ جی مندر مانہہ ترے دن قیام تیں بعد واپس لیانی گئی۔ ہم بم بھولے تے ہر ہر مہادیو غا نعاراں غے بشکار سوامی وشوآتماند سرسوتی جی غی قیادت مانہہ مزببی جلوس کڈیو گیو۔ جس مانہہ بکھ بکھ برادریاں گا ہزاراں عقیدت منداں تے سادھواں نے شرکت کی۔ دشنامی اکھاڑہ پُجن ور پولیس غی جانب تیں چھڑی مبارک نانہہ سلامی پیش کی گئی۔ اس تیں بعد روایتی رسومات تے آرتی ادا کی گئی۔ اس موقع ور اجتماع لنگر غو وی اہتمام کیو گیو۔

BUDGAM KATRA TRAIN

شمالی ریلوے غی جموں ریلوے ڈویزن نے بڈگام تے کٹڑا غے بشکار ریل خدمات اج 29 اگست 2026 تیں بحال کردتی ہے مسافراں تے ماتا ویشنو دیوی گا عقیدت منداں غی سہولت نانہہ مد نظر رکھتا واں شمالی ریلوے غی جموں ڈویزن نے یوہ برو مسافر دوست فیصلو لیو ہے۔ ٹرین نمبر 04687 تے 04688 نانہہ بڈگام تیں شری ماتا ویشنو دیوی کٹڑا غے بشکار اج بحال کیو گیو۔ جموں ریلوے ڈویزن نے اک سماجی میڈیا پوسٹ غے ذریعے دسیو جے یاہ ری اج تیں اپنا معمول گا رستہ ور چلے غی۔ ڈویزن غے مطابق ٹرین نمبر 04688 بڈگام تیں کٹڑا سویرے 7 بجے 20 منٹ ور بڈگام تیں روانہ ہوئی تے تہاڑی 1 بجے شری ماتا ویشنو دیوی کٹڑا ریلوے سٹیشن ور پُجی۔ اس فیصلہ غو خیر مقدم کرتا واں کُجھ مسافراں نے اس طرح کہیو۔

PM MKB

SOLAR PANEL UDH

WEATHER

RAMBAN EDU

ضلع رام بن مانہ محکمہ تعلیم نے ڈیجیٹل ہالسٹیک پروگرس کارڈ یا ایچ پی سی متعارف کروا گئے طالب علم غی تشخیص نانہ تبدیل کرن آلی پاسے اہم قدم چایو بے جس گو مقصد صرف امتحانی نمبراں ور توجو مرکوز کرن غے بجائے طلبائ غی مجموعی ترقی غو اک جامع جائیزو پیش کرنو بے ٹیکنالوجی نال چلن آلو ایچ پی سی علمی، سماجی ، جزباتی ، اخلاقی تے جسمانی مہارتاں غے نال نال عملی طور ور سیکھن پروجیکٹ گا کم تے رویہ غو وی جائیزو لے قابلیت ور مبنی تشخیص غی بُنیاد ور طالب علم غی سمجھن تجزیو کرن ، علم ور عمل کرن ، جواب دین تے تخلیق کرن غی صلاحیت ور توجو مرکوز کرے، ڈائٹ رام بن غا

استاد شاہنواز گنی نے اس قدم گا بارا مانہ تفصیلات سانجہ کرتا وان اس طرح
کہیو-----
